

**-SENAT-**Broj: 01- 1083 /18

Sarajevo, 24. 10. 2018. godine

Na osnovu člana 130. Zakona o visokom obrazovanju ("Službene novine Kantona Sarajevo", broj: 33/17), člana 31., a u vezi sa članom 29. stav (16) Zakona o naučnoistraživačkoj djelatnosti („Službene novine Kantona Sarajevo“, broj: 26/16) i člana 56. Statuta Univerziteta u Sarajevu, a u vezi sa Odlukom Senata Univerziteta u Sarajevu, broj: 01-983/18 od 18. 07. 2018. godine, Senat Univerziteta u Sarajevu je na 24. sjednici održanoj 24. 10. 2018. godine *d o n i o*

O D L U K U
O NEIZBORU U ISTRAŽIVAČKO ZVANJE**I**

Emina Mostić, BA, ne bira se u istraživačko zvanje stručni saradnik za oblast *Historija osmanskog perioda* na Orijentalnom institutu Univerziteta u Sarajevu, radi *neispunjavanja uvjeta za izbor* iz Ponovnog Konkursa za izbor asistenata i stručnih saradnika Univerziteta u Sarajevu od 03. 09. 2018. godine.

II

Odluka stupa na snagu danom donošenja, a izvršit će je Orijentalni institut Univerziteta u Sarajevu.

Obrazloženje:

Vijeće Orijentalnog instituta Univerziteta u Sarajevu na osnovu Izvještaja Komisije za pripremanje prijedloga za izbor u istraživačka zvanja na sjednici održanoj 08. 10. 2018. godine utvrdilo je pozitivan prijedlog odluke o izboru Emine Mostić, bakalaureat/bachelor turski jezik i književnost u zvanje stručnog saradnika na oblast *Historija osmanskog perioda* i isti uputilo u dalju proceduru Senatu Univerziteta u Sarajevu.

Senat Univerziteta u Sarajevu je konstatirao da iz Izvještaja Komisije za pripremanje prijedloga za izbor u istraživačka zvanja od 26. 09. 2018. godine, proizilazi da predložena kandidatkinja ne uspunjava minimalne uvjete za izbor u naučnoistraživačko zvanje stručnog saradnika, naznačene u ponovnom Konkursu za izbor asistenata i stručnih saradnika Univerziteta u Sarajevu od 03. 09. 2018. godine, koji se odnose na odgovarajuću visoku stručnu spremu, u trajanju od najmanje četiri godine, odnosno ostvarenih najmanje 240 ECTS bodova. Naime, predložena kandidatkinja je na Filozofskom fakultetu Univerziteta u Sarajevu, Odsjeku za orijentalnu filologiju, grana Turski jezik i književnost, završila prvi ciklus studija visokog obrazovanja u trajanju od tri godine, na temelju čega je ostvarila 180 ECTS studijskih bodova i stekla odgovarajuće stručno zvanje *Bakalaureat/Bachelor* iz navedene oblasti. Nadalje, konstatira se da je predložena kandidatkinja na istom fakultetu i odsjeku nastavila drugi ciklus studija visokog obrazovanja i da se u momentu prijave na konkurs, odnosno postupka za izbor u zvanje stručnog saradnika nalazi u statusu studenta, drugog ciklusa studija.